


聖濟總錄

百十七

| | | |
|------|-----|-------|
| 內閣文庫 | | |
| 番號 | 漢 | 12609 |
| 冊數 | 200 | (118) |
| 函號 | 300 | 212 |





大學東
校典藉
局之印


大德重校聖濟總錄卷第一百二十七
口齒門

口瘡

口糜

口吻瘡

口舌焦乾



總錄卷第一百二十七

大醫家經金一百一十七

口齒門

口舌

口齒

口氣

口齒統論

論曰足太陰脾之經其氣通於口足陽明胃之經手陽
 明大腸之經其脉並夾於口故其府藏風邪濕熱發於
 經脉則於是口吻之疾牙齒者骨之所終髓之所養
 也又手陽明之支脉入於齒故骨髓之氣不足與夫陽
 明之脉虛不能有所滋養則於是牙齒之疾牙齒之
 疾其候甚多治療之法固不得略也養生方云雞鳴時
 常叩齒三十六下食畢令啄齒皆宜長行之令齒不蠹
 蟲又云早朝未起漱口中玉泉令滿口嚥之啄齒二七
 過去蟲而牢齒千金又曰每旦以鹽一捻丙口中以煖



水揩漱及叩齒百遍為之不絕不過五日即牢密若此之類皆簡易可行行之有効不可忽也

論曰口瘡者由心脾有熱氣衝上焦熏發口舌故作瘡也又有胃氣弱穀氣少虛陽上發而為口瘡者不可執

一而論當求所受之本也

治熱毒發動口瘡心煩躁玄參煎方

生玄參汁各參銀兩拾

寒水石搗末石膏搗末滑石搗末

磁石煨醋淬柴編搗末各壹斤升麻

羚羊角鎊犀角鎊甘草剉各兩

芒消斤壹牛黃研為細末貳兩

右一十二味除鈇銀玄參生葛芒消牛黃外並麤搗篩以水三斗煎銀寒水石石膏滑石磁石以汁二斗去滓別以水五盞煎升麻羚羊犀角甘草至二盞去

滓與玄參并生葛汁一處都和再煎如稀餈然後下

芒消攪勻傾入瓷器中盛却入牛黃末再攪取勻停

冷黃黑色每取兩大匙入蜜一合和勻分四服熱湯

調下不拘時候

治口瘡槐枝煎方

槐枝煎方

槐枝煎方

槐枝煎方

槐枝煎方

槐枝煎方

槐枝煎方

槐枝煎方

槐枝二三月採好者剉 桑枝剉

柳枝剉各壹斗參味以水伍斗

隔宿浸次日入銅鍋文武火煎約得壹斗去滓再入銅鍋煎至伍升入後藥

槐蠹蟲壹兩 細辛去苗葉半兩 藁本去苗土壹兩

胡桐淚入藥 升麻入藥 莽草各半兩

麝香研壹分

右一十味將後七味搗羅爲末入前藥汁內更煎如

錫臨臥淨漱口以藥半匙傅痛處有涎卽吐之臨臥

再用

治口爛生瘡水漿不下當歸膏方

當歸壹兩

射干

升麻

附子去皮臍切各半兩 白蜜肆合

豬脂伍兩

右六味除蜜脂外並剉先煎脂化去滓入諸剉藥慢

火煎候附子色黃又去滓入蜜更煎如膏以瓷器盛

每服如杏核大含之日三五度嚥津不妨

治口瘡及喉閉吹喉朴消散方

朴消 消石 膽礬

白礬 芒消伍味皆枯乾 寒水石燒

白疆蠶直者炒 甘草炙 青黛研各等分

右九味搗研爲細散和勻每用少許摻瘡上遇喉閉

用筆管吹一字在喉中立破

治口瘡并咽喉塞黃連膏方

黃連

去須剉
參兩

豬脂

壹斤

白蜜

肆兩

羊髓

研貳兩

右四味先以慢火煎豬脂取油去滓入黃連又煎令

黑色下羊髓髓化以綿濾去滓入蜜更煎數沸成膏

瓷合盛候冷每含如棗大日三五度嚥津不妨

治口瘡多年不差風熱上攻薔薇膏方

薔薇根

郁李根

水楊皮

牛蒡根

並細切
各壹斤 蒼耳

露蜂房

碎擘
參枚

生地黄

切

升麻

當歸

洗切各
壹兩

治口瘡地骨皮

石膽

水熟銅粉

研

麝香

研各
壹分

右一十四味先以前六味細切水二斗煎至五升葛

布絞去滓次入地黃升麻當歸地骨皮白芷再煎至

二升綿濾去滓慢火又煎成膏乘熱下後三味研藥

攪令勻瓷器盛每含如彈丸大吐津

治口瘡積年不差丹砂膏方

丹砂

研壹分

豬脂

各參兩

杏人

湯浸去皮尖雙
人研參柒粒

膩粉

去滓六分

白礬

切

胡粉

各壹分

生地黄

半兩
切焙

麝香研壹分

右九味搗研七味為末先煎脂蜜令化去滓次下諸藥更煎十餘沸以綿濾去滓更煎待膏就瓷合盛每用如杏人大綿裹含吐津

治久患口瘡不任食物雞舌香丸方

雞舌香末

松脂研各壹分

胡椒為末參

細辛為末參分

右四味用蘇木濃煎汁和藥丸如梧桐子大每以煖水研一丸塗瘡上

治口瘡久不差燒肝散方

茵陳蒿

犀角屑

石斛去根

白朮

芫胡去苗各半兩

芍藥

紫參

桔梗剉炒

防風去叉

桂皮去麤皮

吳茱萸湯浸參人參

白無莖壹分

右一十三味搗羅為散每服五錢匕以白羊肝五兩細切去筋膜入葱白三莖細擘相和濕紙三五重裹慢火煨熟空腹頓服米湯下

治口瘡經年歇發飲食艱難薔薇根散方

薔薇根剉壹握

蜀椒去目并閉口炒出汗肆拾玖粒

右二味搗羅為散以漿水二盞煎五七沸去滓熱含
冷吐

治牙疼口瘡積年不差蟾酥丸方

蟾酥壹片水浸令軟麝香研少許

右二味細研丸如粟米大以綿裹一丸於病處咬之
有涎即吐

治口瘡久不差方

薔薇根壹握

右一味剉用水一升煎至半升候冷含稍稍嚙之冬
用根夏用莖葉又宜同角蒿灰塗有涎吐之

治元藏虛冷上攻口瘡巴戟散方

巴戟天去心壹兩白芷兩半高良薑為末壹錢匕

右三味搗為細散用豬腰子二隻去筋膜每一隻入
藥散一錢匕用濕紙裹煨熟乘熱去紙以口吸熱氣
有涎即吐候冷細嚼服之

治口瘡杏人丸方

杏人湯浸去皮尖雙人拾粒蛇牀子燒灰

白芷燒灰膩粉各壹分

右四味研杏人如膏和三味為丸如雞頭實大每細
嚼五丸不得嚙津吐涎出立効

治口瘡甘草煎方

甘草炙為末半兩

豬膏兩

白蜜貳兩

黃連去須為末壹兩

右四味先煎脂令沸去滓下蜜并藥等慢火熬成煎每服一匙頭含嚙津以差為度

治口瘡白礬煎方

白礬末

鉛丹研各壹兩

附子去皮臍生為末

屋下火煤各半兩

右四味搗研為末入白蜜三兩煎為煎入竹筒盛飯上炊一次每用少許含吐涎出効

治口瘡黃蘗煎方

黃蘗末壹兩

亂髮洗去膩參兩

硫黃研壹分

黃連末壹兩

麻油斤半

右五味先將油煎髮銷然後下黃蘗等末重煎待凝成煎每含如杏人大吐津不得嚙

治口瘡疼痛石膽煎方

石膽半錢燒研末

蜜壹合

黃蘗末壹錢

蟾酥研半錢

右四味先於鐺中慢火煎蜜次下藥末煎如飴每含如杏核大吐津不得嚙

治口瘡杏人煎方

杏人去皮尖雙人研貳柒粒

胡粉研

鉛丹研各壹分

右三味用蜜五合調和用竹筒盛蒸一次久旋含之

吐津不得嚥

治口瘡麝香散方

麝香研壹字

胡黃連壹錢

檳榔生剉壹枚

右三味搗研為細散旋傅之

治口瘡滑石散方

滑石

膽礬各壹兩

右二味搗研為散每用一錢匕以綿裹含吐津

治口瘡疼痛生薑煎方

生薑

取汁壹盞

白沙蜜兩參

右二味同煎十餘沸用瓷器盛時時以熱水調一匙

頭含嚥之

治口瘡柳花散方

黃蘗壹兩

澱花兩半

右二味為散臨臥乾摻誤嚥亦不妨

治口瘡麝香散方

麝香少

人中白壹錢

右二味研細綿裹如菉豆大含之嚙津

治口瘡二物散方

白殭蠶

黃連各等分

右二味為末臨臥摻口內

治口瘡諸藥不效碧玉散方

膽礬

半兩鍋子內燒通赤地上出火毒

右一味細研每取少許傅瘡上有清涎吐之

治口瘡附子塗脚方

附子

壹枚生為末

右一味以薑汁和勻攤脚心

治口瘡蘘荷根湯方

蘘荷根貳兩

右一味細剉分為三分每分以水二盞煎三五沸去

滓熱含冷吐

治口瘡升麻含汁方

升麻

不拘多少

右一味含一塊嚙津

治口瘡薺芩煎方

薺芩

參拾枚

右一味以薄綿裹酒煮二十沸許取出每含一枚良

久嚼嚙之日三五度

治口瘡豆豉散方

豆豉肆兩 炒

右一味搗羅為散每用綿裹一錢匕含之日五七次

治口瘡乾蟾散方

乾蟾炙 壹枚

右一味搗研為散綿裹半錢匕含吐津

治口瘡胡粉膏方

胡粉炒 壹兩

右一味以牛酥調如膏每含如杏人大嚙津

治口瘡馬牙消散方

馬牙消研末 壹兩

右一味每含一錢匕嚙津日三五度

治口瘡檳榔散方

檳榔剉

右一味為散每取半錢匕塗舌及脣上

治口瘡桑汁塗方

桑條汁壹合

右一味早晨塗口舌上

治口瘡蒲黃散方

蒲黃壹兩

右一味每用一錢七傅口舌上嚥之

治口瘡無食子散方

無食子燒灰細研壹兩

右一末每取一錢七傅舌上日三五次

治口瘡楸木汁方

楸木白汁伍合

右一味每取一匙頭含嚥

治口瘡蟾酥線方

蟾酥貳片

右一味以水半盞浸化為水更入牛黃末一錢七攪勻以絲線五十條就藥中浸一宿陰乾每取一條含

吐津

治口肥瘡方

竈上飲食

右一味炒令焦研末傅之

治下冷口瘡神聖膏方

吳茱萸壹兩

右一味搗羅為末用酸醋一大盞調熬成膏後入地龍末半兩攪勻每臨臥時先用葱椒湯洗足拭乾用

藥徧塗兩脚底心或以手帛子繫定次日必減未減再塗

治口内生瘡齒斷肉爛升麻飲方

升麻

黃連去須

羚羊角鎊

玄參

黃芩去黑心

麥門冬去心

葛根剉

大黃剉

羌活去蘆頭

防風去

甘菊花各半兩

人參分

甘草炙

知母各壹分

右一十四味麤搗篩每服三錢匕水一盞煎至七分

去滓溫服食後

治口瘡衆藥不差者蜜陀僧散方

蜜陀僧

黃蘗去麤皮

甘草各壹兩并以蜜塗炙香

蒲黃

黃藥子各半兩

右五味搗研為散時時傅之

治久患口瘡黃連膏方

黃連去須

升麻

槐白皮

大青

苦竹葉各壹兩

右五味細剉以水二升煎至半升去滓取汁入龍腦

蜜攪令勻煎成膏塗瘡上日三度

治舌上生瘡鉛丹膏方

生地黄汁合參蜜合參

鉛丹壹兩

杏人去皮尖雙人別

右四味合和一處調勻銀器內煮用槐枝攪不得住
手看色紫即成取少許口內含化吐津

治口瘡久不差蟾酥線方

真蟾酥伍皂蓬砂

龍腦

麝香各壹皂

右四味同研極細以溫湯半盞化令勻入緋線秤半
錢蘸藥汁曬乾再蘸再曬候藥汁盡將線寸截每用
一條貼於患瘡處有涎即吐一日三五次易之取差

為度

治大人小兒卒患口瘡鉛霜散方

鉛白霜研細不少

右取少許塗傅痛處一兩度差

治卒患口瘡升麻湯方

升麻剉

黃蘗去麤皮剉

大青各壹兩

右三味麤搗篩每服五錢七水二盞煎取一盞熱漱

冷吐

治口舌生瘡久不差白芷散方

白芷末壹錢

銅綠壹錢

白殭蠶肆枚

乾烟脂半錢

右四味搗研為末每用少許以雞翎子掃瘡有涎吐之不得嚥津

治虛勞口瘡久不差秦艽散方

秦艽去苗土

此胡去苗各壹兩

右二味搗羅為散每服三錢匕割豬肝三兩片用酒煮之去肝取酒調藥溫服十服當愈

治心肺壅熱口内生瘡胸膈痰逆玄參湯方

玄參

茅根剉

羌活去蘆頭

竹筴

木通剉

羚羊角鑊

升麻各半兩

黃連去須

人參

苦竹葉

半夏湯洗去滑各參分 甘草剉壹分

右一十二味麤搗篩每服三錢匕水一盞入生薑三片煎至六分去滓溫服食後

治口瘡久患不差銅綠散方

銅綠研壹錢

鉛丹半兩研

白芷煨壹分為末

右三味合研令勻取少許摻舌上即差

治口瘡痛茯苓湯方

赤茯苓去黑皮

人參各壹兩

右二味麤搗篩分作四服每服水二盞煎至一盞去

滓溫服日三不過二劑

治口瘡玄參丸方

玄參

天門冬

去心焙

麥門冬

去心焙各壹兩

右三味搗羅為末鍊蜜丸如彈子大每用一丸綿裹

含化嚥津

治口常有瘡蒺藜子散方

蒺藜子

炒去角

菡豆

炒各參兩

右二味搗羅為散如茶點喫

口糜

論曰膀胱移熱於小腸隔腸不便上為口糜夫小腸之

脉絡心循咽下膈抵胃陰陽和平水穀入胃小腸受之通調水道下輸膀胱今熱氣厥逆膀胱移熱於小腸胃之水穀不得傳輸於下則令腸隔塞而不上則令口生瘡而糜爛也大抵心胃壅熱則必熏蒸於上不可槩以傳藥當求其本以治之

治小腸熱服口糜生瘡苳胡澤瀉湯方

苳胡

去苗

澤瀉

陳橘皮

浸去白焙

黃芩

去黑心

枳實

炒

旋復花

升麻

芒消

別研各參兩

生地黃

壹升

右九味除芒消外咬咀如麻豆大每服五錢匕水二

蓋煎取一盞去滓下芒消末半錢匕攪勻食後溫服

治口糜生瘡久不差及心脾中熱乍發乍退大青丸方

大青去根

甘草炙

枳殼去瓤炒

苦參剉各參分

黃連去須

生乾地黄焙

升麻各壹兩

右七味搗羅為末鍊蜜和丸如梧桐子大每服二十

丸食後熟水下日二服

治口糜生瘡久不差大黃散方

大黃煨灰水

甘草炙

黃蘗炙剉各壹兩

蜜陀僧研

滑石研各壹分

右五味搗研為散每用一錢匕綿裹含有涎即吐

治口糜生瘡升麻丸方

升麻

黃連去須

黃蘗炙

杏人湯浸去皮尖雙入各壹兩

右四味將上三味搗羅為末次研杏人如膏鍊蜜三

兩以藥末并杏人膏合和為丸如彈子大每服一丸

含化嚙津

治大人小兒口糜生瘡紫金散方

黃蘗蜜塗慢火炙令紫色半兩

訶梨勒壹枚煨熟去核

麝香研

膩粉研各少許

右四味搗研為散再同研勻每用半錢許搽瘡上

治口糜生瘡大黃湯方

大黃剉壹兩

芒消研

黃連去須

黃蘗炙各半兩

右四味麤搗篩每服三錢匕水一盞煎至六分去滓

入蜜半匙酥少許細呷含嚥

治口糜生瘡痛不得食甘草丸方

甘草壹寸炙赤色

杏人貳拾枚湯浸去皮尖雙人研

黃連末壹分

右三味搗研為末和勻每服綿裹如杏人大含化嚥

治口糜生瘡苾胡湯方

苾胡去苗

地骨皮各壹兩

右二味麤搗篩每服三錢匕水一盞煎至六分去滓

細含嚥之

治口糜生瘡黃蘗散方

黃蘗蜜塗炙乾去火毒

白殭蠶直者置新瓦上下以火燂蠶絲斷出火毒

右二味等分搗為細散搽瘡及舌上吐涎

治口糜生熱瘡杏人餅子方

杏人

湯浸去皮尖雙人拾肆枚別研細

膩粉壹錢

右二味和研勻如膏每餅如錢眼大鉛丹為衣先用
鹽湯漱口含一餅涎出即吐

治口糜生瘡大黃蜜煎方

大黃壹兩切如指頭大

右一味以蜜煎五七沸候冷取出每含一塊嚥津

治口瘡糜爛生蜜塗方

蜜生便

右一味頻用塗瘡上三五次即愈

治口吻瘡

論曰口吻瘡者其瘡發於脣吻之間疼痛微腫濕爛有

汁世名燕口又名肥瘡此由脾胃有熱隨氣熏發上攻
於口脣與津液相搏所致

治口吻瘡芎藭丸方

芎藭貳兩

白芷

陳橘皮湯浸去白焙

黃連去須各半兩

右四味搗羅為末鍊蜜丸如梧桐子大每服二十九
甘草湯下不拘時

治口吻生瘡亂髮灰散方

亂髮灰

黃連去須

故絮灰各壹兩

乾薑炮半兩

右四味搗研為散再研勻不拘多少傅瘡上日三五次以差為度

治口吻瘡久不差麝香散方

人中白研 麝香研各壹錢

右二味再研勻塗瘡上

治口吻瘡楸木皮傅方

右取楸木白皮濕貼之日三五度差

治口吻瘡葵根散方

右取經年葵根一握燒作灰研為散傅之

治口吻瘡楊木汁塗方

右取白楊木嫩枝於鐵上燒取汁塗之日三五上差
治口吻瘡檳榔散方

右用白檳榔燒灰細研為散傅之日三五度

治口吻瘡馬齒莧汁塗方

右搗馬齒莧取汁塗之

治口吻瘡烏金散方

右取蜣螂三枚燒灰細研為散傅之

口舌乾焦

論曰心主舌脾主口口舌乾焦者以心經蘊熱傳之於脾二藏俱受邪熱故口舌之間津液燥而乾焦也亦有

多食五辛飲酒過度熱積上焦不能滋潤於口舌而致

乾焦者治宜詳之

治口舌乾焦葛根湯方

葛根剉三錢炙甘草炙各半兩對入參參

赤茯苓去黑皮壹兩天門冬參去心焙黃耆兩剉壹

桂去麤皮犀角屑生乾地黃

芎藭各半麻黃去根節牛黃研壹

地骨皮剉半麥門冬壹兩焙

右一十四味麤搗篩每服三錢匕水一盞煎至七分

去滓溫服不拘時

治口舌乾焦乾棗湯方

乾棗焙去核貝母壹兩去心各半生乾地黃焙

胡桃瓢各貳兩陳橘皮壹兩去白焙牛膝酒浸切焙

葛根剉鼈甲去裙爛苈胡苗去

桑根白皮各壹兩

右一十味麤搗篩每服五錢匕水一盞半煎至一盞

去滓溫服不拘時

治心脾客熱口舌乾焦生瘡桂心散方

桂去麤皮半兩赤茯苓參去黑皮黃連去須

梔子八杏人研去皮尖雙人

黃芩去黑心

甘草炙

大黃剉炒各

栝樓根兩

薔薇根切分

右一十味搗研為散食後以溫漿水調下二錢匕日

三服

治口乾渴燥栝樓根湯方

栝樓根兩

石膏碎分

鉛丹研分

赤石脂

白石脂各半

澤瀉分

右六味麤搗篩每五錢匕水一盞半煎至一盞去滓

入胡粉半錢匕分溫二服不拘時

治心熱舌乾煩躁茯苓湯方

白茯苓去黑皮

大黃剉炒

升麻

麥門冬去心

遠志去心

人參

葛根剉

甘草炙剉各半兩

右八味麤搗篩每服三錢匕水一盞煎至七分去滓

溫服不拘時

治口乾醋石榴湯方

醋石榴子壹兩

酸棗去核

麥門冬去心焙各貳兩

覆盆子壹兩

葛根兩

烏梅去核伍拾枚

甘草炙剉壹兩

栝樓根壹兩

右八味麤搗篩每服五錢匕水一盞半煎至一盞日

三服不拘時

治口乾舌上生瘡五參丸方

玄參

沙參

丹參

苦參

人參

秦艽

乾薑炮半兩

酸棗人兩

秦艽去苗土各壹兩

右八味搗羅為末鍊蜜丸如梧桐子大每服二十九至三十九米飲下不拘時

治口乾心熱甘草丸方

甘草炙

人參

烏梅肉

棗肉焙

石膏碎各壹兩

半夏湯洗去滑生薑汁製壹分

右六味搗羅為末鍊蜜丸如彈丸大每服一九含化不拘時

治口中乾燥心膈痰壅茈胡散方

茈胡去苗壹兩

地骨皮

赤茯苓去黑皮

枳殼去瓢麩炒

旋復花各半兩

右五味搗羅為散每服二錢匕生薑湯調下日三服不拘時

治口熱舌焦乾杏人煎方

杏人去皮尖雙

生薑汁壹合

甘草炙剉為末半兩

棗去皮核研

蜜伍合

右五味先下薑汁與蜜煎令烊後入諸藥煎赤色如
錫每取一丸如棗核大含化

治口舌乾燥乾棗杏人丸方

乾棗肉焙 杏人去皮尖 雙人研 烏梅肉焙

甘草炙 剉 各 兩

右四味搗研為末鍊蜜丸如彈子大每服一丸不拘

時含化

治口舌乾除熱下氣石膏煎方

石膏搗碎綿 裹 兩 蜜伍 兩

右二味先用水三盞煎石膏至二盞內蜜更煎令稠

每用一匙頭含化溫湯調下亦得

治口舌乾燥心熱麥門冬湯方

麥門冬去心 焙 栝樓根各 壹 兩

右二味麤搗篩每服三錢匕水一盞煎至七分去滓

溫服不拘時

治口舌乾燥生瘡心脾腸熱菹豆湯方

菹豆炒 蒺藜子炒 各 貳 兩

右二味麤搗篩每服五錢匕水一盞半煎至一盞去

滓日三服不拘時

華日三取不師御

亦二取應醫滿并取正發丁木一盤半煎至一盤去

蘇豆 蒸藥干煎細


併口吉洋地土發心煎藥煎蘇豆炒灰

煎藥不師御

亦二取應醫滿并取三發丁木一煎至丁去夫

蘇豆 煎藥干煎細

併口吉洋地土發心煎藥煎蘇豆炒灰



大德重校聖濟總錄卷第一百二十七

